

Na osnovu člana 61. stav (1) i člana 16. Zakona o upravi ("Službeni glasnik BiH, broj 32/02), člana 6. stav (1) i (3) člana 7. stav (2) Zakona o vazduhoplovstvu Bosne i Hercegovine ("Službeni glasnik BiH", broj 2/04), generalni direktor Direkcije za civilno vazduhoplovstvo Bosne i Hercegovine donosi

PRAVILNIK

O USLOVIMA I NAČINU STICANJA, IZDAVANJA, OBNAVLJANJA I PRODUŽAVANJA DOZVOLA, OVLAŠTENJA I AUTORIZACIJA VAZDUHOPLOVNOM OSOBLJU - PILOTIMA HELIKOPTERA

Član 1.

(Područje primjene)

Ovim Pravilnikom se propisuju vrste dozvola koje mogu steći piloti helikoptera, ovlaštenja koja se mogu upisati u dozvole, kao i posebne autorizacije koje mogu steći imaoци dozvola; uslovi i način sticanja, izdavanja, obnavljanja i produžavanja roka važenja dozvole, ovlaštenja i autorizacija pilota helikoptera, programi za stručno osposobljavanje, provjeru i utvrđivanje stručne osposobljenosti, uslovi koje moraju ispunjavati pravna lica koja obavljaju stručno osposobljavanje pilota helikoptera.

Član 2.

(Dozvole, ovlaštenja i autorizacije)

- (1) Dozvole, ovlaštenja i autorizacije piloti helikoptera stiču, produžavaju i obnavljaju u skladu s odredbama ovoga Pravilnika.
- (2) U pogledu uslova i načina sticanja, izdavanja, obnavljanja i produžavanja roka važenja dozvole, ovlaštenja i autorizacija pilota helikoptera primjenjuju se zajednički vazduhoplovni zahtjevi za izdavanje dozvola članovima letачke posade - pilotima helikoptera - JAR FCL 2.
- (3) JAA Administrative and Guidance Material, Section Five: Personnel Licensing i zahtjevi ostalih JAA dokumenata (JAR), na koje upućuju odredbe ovog Pravilnika, primjenjivaće se kao preporučena praksa do donošenja propisa koja će regulisati navedenu materiju.
- (4) Direkcija za civilno vazduhoplovstvo će propisati uslove za oblasti koje su u skladu sa zahtjevima JAR-FCL 2 ostavljene na diskrecionu odluku nacionalnoj vazduhoplovnoj vlasti (National Aviation Authorities -NAA).
- (5) Za izdavanje, obnavljanje i produžavanje roka važenja dozvole, ovlaštenja i autorizacija pilota helikoptera iz stava 2. ovoga člana, plaća se propisana naknada

Član 3.

(Stručno osposobljavanje)

- (1) Stručno osposobljavanje članova letачke posade - pilota helikoptera mogu obavljati organizacije za letачku obuku (FTO), organizacije za osposobljavanje za tip helikoptera (TRTO) i organizacije registrovane za letачku obuku za sticanje dozvole privatnog pilota helikoptera (RF).
- (2) Organizacije iz stava 1. ovog člana moraju posjedovati odobrenje za rad izdato od strane nadležnog organa vazduhoplovne vlasti u skladu sa uslovima propisanim u JAR-FCL 2.
- (3) Za izdavanje odobrenja za rad organizacijama iz stava (1) ovoga člana plaća se propisana naknada.

Član 4.

(Programi za stručno osposobljavanje)

- (1) Stručno osposobljavanje za sticanje dozvola, ovlaštenja i autorizacija obavlja se prema programima koje odobri nadležni organ vazduhoplovne vlasti.
- (2) Organizacije iz stava (1) člana 3. ovog Pravilnika dužne su napraviti programe iz stava (1) ovoga člana, u skladu sa sadržajem programa obuke datih u JAR- FCL 2.
- (3) Za izmjenu i dopunu odobrenog programa potrebna je saglasnost nadležnog organa vazduhoplovne vlasti.

Član 5.

(Zamjena dozvola)

- (1) Dozvole, ovlaštenja i autorizacije, izdate prije stupanja na snagu ovog Pravilnika, važe do isteka njihovog roka važenja.
- (2) Izdavanje, produžavanje i obnova dozvola, ovlaštenja i autorizacija, poslije isteka njihovog roka važenja, će se vršiti u skladu sa odredbama ovog Pravilnika.

Član 6.

(Zamjena odobrenja za rad)

- (1) Odobrenja za rad organizacijama za stručno osposobljavanje pilota helikoptera, koja su izdata prije stupanja na snagu ovog Pravilnika, važe do isteka njihovog roka važenja.
- (2) Izdavanje i produžavanje odobrenja za rad organizacijama za stručno osposobljavanje pilota helikoptera, poslije isteka njihovog roka važenja, će se vršiti u skladu sa odredbama ovog Pravilnika.

Član 7.

(Tumačenje)

U slučaju nejasnoća, različitog tumačenja ili izmjena i dopuna JAR- FCL 2 koristit će se izvorni propis JAR-FCL 2 na engleskom jeziku.

Član 8.

(Prelazne i završne odredbe)

Danom stupanja na snagu ovog Pravilnika prestaje da važi Pravilnik o stručnoj spremi, ispitima i dozvolama za rad članova posade vazduhoplova ("Službeni list SFRJ", broj 2/80, 31/80, 43/81, 10/85), u dijelu koji se odnosi na materiju regulisanu ovim Pravilnikom.

Član 9.

(Objavljivanje Pravilnika)

- (1) Pravilnik stupa na snagu osmog dana od dana objavljivanja u "Službenom glasniku BiH"
- (2) Pravilnik objaviti u službenim glasilima entiteta.

Službeni glasnik BiH broj 95/09 od 01.12.2008.

Član 10.

(Objavljivanje prevoda JAR FCL 2)

Prevodi JAR FCL 2 biće naknadno objavljeni u publikaciji Direkcije za civilno vazduhoplovstvo BiH.

Broj 02-02-2-1062-1/08
26. augusta 2008. godine
Sarajevo